



Broj: 11-37-3732-3/19

Datum, 15.04.2019. godine

Na osnovu člana 13. stav 1. alineja 10. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13), člana 10. stav 1. tačka 5. Zakona o zaštiti stanovništva od zaraznih bolesti („Službene novine Federacije Bosne i Hercegovine“, broj: 29/05), a u vezi sa članom 17. Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15) ministar zdravstva d o n o s i

NAREDBU

o provođenju obavezne preventivne sistematske deratizacije na području Zeničko-dobojskog kantona-proljetna faza 2019. godine

I

Naređuje se provođenje obavezne preventivne sistematske deratizacije na području Zeničko-dobojskog kantona - **proljetna faza 2019. godine, u periodu od 17.04.2019. godine do 23.05.2019. godine**, u skladu sa Programom provođenja obavezne preventivne sistematske deratizacije na području Zeničko-dobojskog kantona 2019. godine (PROLJETNA I JESENJA FAZA) - Kontrola uzročnika zaraznih oboljenja i njihovih prenosilaca broj: 11-37-3732-2/19 od 15.04.2019. godine.

Obaveznom preventivnom sistematskom deratizacijom će biti obuhvaćeni sljedeći objekti i površine:

1. javne i zelene površine u pojasu naselja sa koncentriranim stanovništvom (gradska naselja),
2. obale površinskih vodotokova u gradskim i prigradskim zonama,
3. centralne deponije,
4. nezvanična (neorganizirana) odlagališta otpada - smetljišta,
5. vaspitno – obrazovni (škole, obdaništa, fakulteti) i kulturni objekti sa pripadajućim vanjskim površinama,
6. kolektivni centri za smještaj i boravak izbjeglih i prognanih lica,
7. objekti kantonalnih javnih zdravstvenih ustanova sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi),
8. objekti gradskih/općinskih javnih zdravstvenih ustanova sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi),
9. kantonalne institucije i njihove ispostave sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi),
10. gradske/općinske institucije i njihove ispostave sa pripadajućim vanjskim površinama
11. individualni stambeni objekti u privatnom vlasništvu u užim zonama gradskih naselja, (obuhvatajući: podrume, tavane, magacinski prostor, dvorišta, smetljarnike, garaže, otvorena

- i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi),
12. vjerski objekti i groblja u gradskim naseljima kojima upravljaju vjerske zajednice,
 13. objekti za javno vodosnadbjevanje i kanalizaciona mreža sa šahtovima i izlivnim kolektorima,
 14. objekti i površine svih fizičkih i pravnih lica koji obavljaju poslovnu djelatnosti, (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi),
 15. objekti i sredstva javnog saobraćaja,
 16. objekti za proizvodnju i promet živežnih namirnica i predmeta opće upotrebe sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi),
 17. objekti za pružanje usluga javne higijene,
 18. zajednički prostori stambenih zgrada (podrumi, tavani, magacinski prostori, drvarnici, smetljarnici, dvorišta, garaže),
 19. šahtovi i energetski kanali toplovodnih, plinskih, električnih, telefonskih i drugih instalacija.

II

Općine/Grad obavezni su za objekte i površine iz svoje nadležnosti (član I stav 2, tačke 1. 4. 8. 10. i 11. iz člana I) isključivo u utvrđenom periodu organizovati provesti sistematsku deratizaciju na području Općine/Grada.

Kanton je obavezan za objekte i površine iz svoje nadležnosti (član I, stav 2, tačke 2.5. 6. 7. 9. i 12.) isključivo u utvrđenom periodu organizovati i provesti sistematsku deratizaciju na području Kantona.

Pravna i fizička lica, vlasnici ili korisnici prostora i površina koje podliježu obaveznoj preventivnoj sistematskoj deratizaciji (član I, stav 2, tačke 3. 13. 14. 15. 16. 17. 18. i 19.) obavezni su za objekte i površine iz svoje nadležnosti organizovati i provesti sistematsku deratizaciju, isključivo u utvrđenom periodu.

U skladu sa odredbama člana 4. Zakona o zaštiti stanovništva od zaraznih bolesti („Službene novine Federacije Bosne i Hercegovine“, broj: 29/05), ukoliko mjere obavezne preventivne deratizacije provode privredna društva odnosno fizička lica – obrtnici, obavljaju ih u skladu sa Programom provođenja obavezne preventivne sistematske deratizacije na području Zeničko-dobojskog kantona u 2019. godine i pod nadzorom higijensko-epidemiološke službe.

III

Deratizaciju izvesti sa antikoagulantnim rodenticidima druge grupe otrova visokog učinka.

Sredstva koja će se koristiti (rodenticidi) moraju zadovoljiti sljedeće:

1. Moraju biti u skladu sa Programom provođenja obavezne preventivne sistematske deratizacije na području Zeničko-dobojskog kantona u 2019. godini,
2. Gotovi preparati moraju zadovoljavati propisane standarde u pogledu koncentracije trovne mase, konstitucije preparata i drugih fizičkih i hemijskih karakteristika te svi preparati moraju imati odgovarajuću dozvolu za upotrebu u BiH; i sigurnosno tehničke listove i
3. Rodenticidi moraju da imaju deklaraciju proizvodnje, kao i sertifikat o kvalitetu.

Nadležna inspekcija će izvršiti kontrolu rodenticida, utvrditi količinu i vrstu rodenticida, a u toku izvođenja vršiti stalan nadzor nad primjenom preparata.

IV

Pravilnikom o načinu obavljanja obavezne dezinfekcije, dezinskcije i deratizacije („Službene novine Federacije Bosne i Hercegovine“, broj: 30/16) utvrđuje se način provođenja obavezne preventivne deratizacije, te se izvođač u cjelosti mora pridržavati navedenog Pravilnika i snosi punu odgovornost za ostvarivanjem mjera kojima se štiti zdravlje stanovništva i okolina od onečišćenja, trovanja i nanošenja štete.

Izvođač mora imati odobrenje Federalnog ministarstva zdravstva koje uključuje upotrebu otrova II i III grupe Pravilnika o uslovima u pogledu stručne spreme zaposlenika, tehničke opremljenosti, prostorija i drugih uslova kojima moraju udovoljavati zdravstvene ustanove, privredna društva odnosno obrtnici za obavljanje dezinfekcije, dezinskcije i deratizacije („Službene novine Federacije Bosne i Hercegovine“, broj: 30/16), a posebno ispunjavanje uslova u pogledu kadra za obavljanje preventivne sistematske deratizacije.

V

Obavezna preventivna sistematska deratizacija se ima provesti u skladu sa **Programom provođenja obavezne preventivne sistematske deratizacije na području Zeničko-dobojskog kantona 2019. godine (PROLJETNA I JESENJA FAZA) - Kontrola uzročnika zaraznih oboljenja i njihovih prenosilaca**, koji je objavljen na web stranici Ministarstva.

VI

Kontrolu izvođenja deratizacije na području općine/Grada, vršiti će nadležna sanitarna inspekcija.

VII

Troškovi obavezne preventivne sistematske deratizacije, koji se odnose na površine i objekte tačke 2. 5. 6.7. 9. i 12. iz člana I ove Naredbe, finansiraju se iz sredstava Budžeta Zeničko-dobojskog kantona.

Troškovi obavezne preventivne sistematske deratizacije, koji se odnose na površine i objekte tačke 1. 4. 8. 10. i 11. iz člana I ove Naredbe, finansiraju se iz sredstava budžeta općina/Grada.

Troškove obavezne preventivne sistematske deratizacije pod rednim brojevima 3. 13. 14. 15. 16. 17. 18. i 19. snose subjekti koji ih posjeduju ili njima upravljaju.

VIII

Obavezi provođenja preventivne sistematske deratizacije podliježu svi subjekti naznačeni u ovoj Naredbi u protivnom će biti sankcionisani prema važećim propisima.

IX

Zadužuje se Kantonalna uprava za inspeksijske poslove da osigura inspeksijski nadzor nad provođenjem akcije preventivne sistematske deratizacije na području Kantona putem kantonalnog sanitarnog inspektora.



Dostavljeno:

- 1x Svim općinskim načelnicima,
- 1x Gradonačelnik Grada Zenica,
- 1x Kantonalna uprava za inspeksijske poslove,
- 1x a/a